



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七九八

紫芝軒逸稿一卷 祁班孫撰

一

高陽山人文集十二卷補遺一卷 劉青藜撰

二二

南中集一卷採蓴集一卷紅豆齋時術錄一卷 惠士奇撰

一四七

盟鷗草一卷繪心集二卷炊香詞三卷 孔傳鐸撰

一七三

安懷堂文集二卷申椒二集一卷紅萼詞二集一卷 孔傳鐸撰

二七三

赤城詩鈔二卷 童華撰

四一三

墨香閣文集十三卷首一卷末一卷 彭維新撰

四二三

麻山先生遺詩三卷 孫學顏撰

六一一

林下堂詩二十卷 程鑒撰

六三三

紫芝軒逸稿

祁奕喜紫芝軒逸稿 元鼎趙三才子詩

同邑堵 安選

邑後學杜

春生 照編輯

出關

離國更千里天遙第一關
流氛初際海寒靄復橫山
笳角三聲遠旌旗盡日閒
劍懸星欲動弓掛月如彎
難作棄襦去愁逢帶甲還
塵多暗畫簾風勁折刀銀
頗識迴途險因知往路艱
雁峯連朔漠龍水別潺湲
蹄滑冰稜圻輪摧亂石間
荒林危仄徑急溜凍沙灣
烏棧迎雲渡猿蘿曳雪攀
應憐此漂泊誰可駐顏顏

白石堡遇向雁使省

八荒初極武重 疆土分封舊館篋入貢新珠提

籠孔雀錦綉綢綉麟鵬年橫朱旆驛驢服畫輪傳烽開鎖
鑰發鼓動城闕見關開門故應懷宮闕陳域中尊上帝君
外感陪臣冠冕同諸國恩威逼遠人光輝盈玉帛賞錫賤
金銀鵷列叨青鎖龍顏識紫宸久隨長樂宴忽起柏梁座
寵幸覲千祀蒼涼已十春銅駝空照月華表暗生燐鼎鑄
歸天上弓攀泣海濱微鯨當可奮 懼相鄰終難
噬聊爲燕雀馴投鞭流欲斷刊木路難溷往復情徒切遲
迴淚滿巾滄桑猶曷刻漂泊敢酸辛絕漠還何怨中原孰
與親乘桴常有願皂帽恐非倫稅駕安知處還須一問津

關題一百韻

相國初持柄銓衡總握權廟堂逢肝食鐘漏聽宵眠
橫遼薊狼烽震闕墻顛危誰作楫砥障藉巡邊紫綬當廷

陽黃麻入熙宣禁衛陳吹樂御道祖行旂宮緩裝金鎧中
官捧玉鞭策壇遵往蹟推轂繼名賢翡翠紫華蓋麒麟服
錦綉履丞調百萬躡尉護三千天子恩毋上元戎令倍專
轉輸疲蜀粵給發徧黔滇臺省從諸吏司郎備末員遐荒
增貢物公府竭銀錢銅柱銘重勒崑崙石可鐫商征惟恐
後周伐自無前算茲猶密宸衷乃更虔諫垣諍職武老
將議屯田勅命專封璽謀謨絕制學功成禪泰岳威濟徒
居延開闢環河柳分旄落華蓮鉅筴齊靜穆聖郭縱宣闡
黎庶咸翹首蒼生幸息肩直期平沙漠非但保幽燕組練
明郊甸旌旗被澗渥崇勲勝破齒輝赫亞樓船鐵甕關墉
固金湯雄堞堅基陴東海側堡壘朔方連飛羽催秋月清
霜凍照川乘時焚獵緩計日促程造屬乘多超距前驅競

三

二

射研疾禽隨手得狡兔斃鳴絃越竹分毫利吳犀鋒兩便
良家皆執戟壯士或張拳赤幟爭先拔雲塵賭獨寒龍沙
兵勢盛魚復陣圖圓鹿豕同馳突猿猱比捷猿憑陵欺虎
豹擊逐視鷹鷂傍朝氛起風搖暮火然探樵翼騎出刊
木曳車聯幕蔽岡巒曲營屯陂谷偏叱戈駐近景列燧并
寒煙巖迴嚴更肅林虛疊鼓聲抱鞍聊偃宿揮袂事騰騫
李廣戎行闕單于策畧假層圍半夕合危壑七重穿運伏
埋叢薄穹廬路極巔角翻山雪動箭洞海波濺馬服書徒
讀長平卒受愆雁鴻高莫度蟻蟻細難緣拾橡苦炊蓐攀
崖鑿井泉網羅吁竭歷東縛坐熬煎瘦及皮膚盡勞令指
足胼胝鈴宜死地成鈍付皇天蜃氣迷沙麓星妖貫斗羅
撓槍徹夜掃太白晝中懸奔潰傾丘岳混茫接島延鯨鯢

驕欲舞精衛浪相填陸北攢俚伯城南啄塗膏潮遮屍骨
擁雨洗血流鮮獨憶單將將能衝匹練先投鎗傷左校控
鉞躍沉淵灘水軍都覆鮮卑帥向全秦崩須一慟漢恥就
爲獨王祭應裁賦陳琳善草箋久需露布至亟望凱歌旋
忽報樞辰墜疑登箕尾仙輟朝常減膳陪享又加蓬衛葬
添槐柏親臨式几筵僮奴收俸石襁褓錫貂蟬眷寵驚存
沒淒涼淪市廛農夫解耕犢婦女卻妝鉤青鎖垂鐘鼎形
闕削簡編王師麟筆諱俠節馬卿傳怨毒期滿滌微軀敢
棄捐諒羞蘇武去顧學李陵還屠酪醉堪羊味豈豈
迴顧盼義帳舞翩翻蘆葉輕調管琵琶低撥絃慨慷
看促辦輕屑笑吞毡詎測乾坤裂因之麻數還復仇懇草
畫却歎諒徒然戰殲空知處徘徊隔幾年探枝掛鐵甲投

三

三

土積矛鉞霄漢呼天遠壺漿勸鬼明巨魁甘戮辱素志仗
哀憐嗟予此漂泊經過實感焉數番情慘淡雙滴淚潺湲
杼軸今猶困瘡痍昔未痊江湖消息斷閑閣夢魂牽春薜
塚頭碧陰花步底妍愁憐生寂寂暗滴露涓涓險仄輪俱
敗崎嶇衣再褰蔓蘿侵折屐冷瀑透裝綿飄飄松聲舊淒
淒草色芊游蕩昏霧遠枯殖倒藤纏吸髓肥狐鼠兒毛泣
杜鵑遲回腸屈結雙雙路迤邐激切悲搔搔淋漓且著篇
斯文愧古哲倘荷後人詮

廣寧城暨巫閭山北嶺

砂磧殘遼薊山靈空典墳頽城孤大漠斷石滅奇勲絕嶽
迴車近荒鐘攬轡聞虎乘風肅颯龍薄氣氤氳草木留兵
殺嚴密隔野氛天遙心慘愴地古淚殷勤祭祀何年盛樓

臺舊日焚只堪憐去客無處問神君南北皆雄鎮愁歡兩
不羣繼峯曾踏雪香散自成雲碧黛千層削華蓮九辨分
捲簾青靄動倚袖翠微紛酒散催寒照吟迴傍落塵即今
回首地未斷鏡湖雲

潘陵

寢殿新當代征人掩淚看松杉園巨麓雲日暗層巒鷗鷺
冲天起蛟龍此地蟠一隅聊齋發四海沸波瀾馳鳴
鏑盡控教弓彎九鳥落騎縱百城殘絕塞猶荒微全
遼亦彈丸金湯空鎖鑰鐵障絕遮關西北樓槍掃東南物
力殫乘時基厚業有志決偏安沙漠餘雄氣墻垣特壯觀
煙嵐生碧甃霜露霽銅盤大校屯田邑賢王護祀壇規模
原不隘策畧故能寬憶昔燕陵路曾淩星斗寒混濛疑駐
蹕肅穆想鳴鑾典廢來何劇蒼穹遠莫干守成良竭屢開
創豈艱難漂泊悲留戀經過敢浩嘆吞聲咽肺腑未可勸
加餐

過十八道嶺澗

頽谿奔急溜仄石倍嵯峨響涉驚魚雁危攀壁薜蘿壁苦
新雨滑林日暗雲摩險絕難攀袂疲深欲枕戈懸旗千丈
迴吹角一聲多寸合肝腸裂絲催鬢髮晒關橋阻馬渡猿
狖引人過北去猶南望遲回更若何

鷹溝關作

白草清秋地名王罷獵過落暉孤障遠寒景大荒多雲練
屯沙磧霜芻飽駱駝燕支驕粉黛十五劇婆娑屠酤金盤
送琵琶細馬馱當初憐玉塞今夕傍銀河帳底先流盼天

邊欲起波回思江漢上誰惜此蹉跎

有懷

春晚愁珠開妝成卻翠屏振珂風寂寂掩幔瑟冷冷玉塞
憑高望金鴻入夜聽迴環依碧月飄墜感流星庭北花全
落城南柳半冥王孫衣欲換過客馬初停句驪河邊渡遠
陽郭外經孰憐三月路草色未知青

灰擺國舊城

城古煙雲淡風多草木蕃荒廬焚大麓疲馬散高原地慨
興亡述心悲野老言千年故俗改百里廢墟存正朔當年
遠夷邦傳自尊揚兵拒白谷嫁女結烏孫輕甲縫犀披長
鎗鏑石根紅顏開十石黃髮佩雙韃鳴鏑東方起旌旗北
下屯爭雄嶺兩大轉關孰先奔甯戰當春旦懸弓醉臘鐔
詭謀行忌日死陣絕生門殺氣盈虛積愁燐積斷垣流星
追箭鏃殘月憶刀痕宿霧迷山鳥寒泉和夕猿經過如夙
昔感激定朝昏雞黍陳松几芻醢獻土盆一杯聊解恨興
廢莫重論

渡混同江

危邊猶設堊巨浸復分疆蛇谷爭奇險龍城接混茫鯢游
同出沒鴈化各翱翔地闊浮魚鳥天驕渡斷流橫鐵
騎探水植金鎗煙雨朝昏變風塵終古颺淵深沙照白汎
茫日沉黃折櫓奔迴溜飄帆掛石梁三春波欲漲一葦勢
愁杭傍岸艱扶楫攀藤故裂裳東歸登舊海北上更窮荒
巨測蛟蜃窟難搜魑魅鄉橫行誰可到未許痛衝觴
聽笛十韻

急管度離亭愁曾掩淚經一吹花故落四月柳還青樹外
停征騎風中挈玉瓶河梁悲執手古道惜叮嚀商氣催時
換宮音此再聽蛩螢吟月崩鴈鵲墜雲翎紫帳霜初薄青
宵指欲冷關山翻絕塞兩雪斷空庭中夜淒孤雁寒裝點
數聲遲回昔別路何處感飄零

復還兀喇別松陵吳生感懷夙昔事成三十五韻
寂寥子雲開當日賦長楊獨羨射鵰技難分彩筆光少年
良意氣壯歲各煙霜感潏潏催餐脚踏淚滿裳盛衰誰可
料離合詎能量憶送河梁別先攀御苑香才華真武庫星
斗動文昌馬踏梨花雪衣嬌柳葉黃陸機初入洛季札未
還鄉豈但耽風雅兼聞典鵲鵲窮途悲窺逐終古一淒涼
池上虛鳴鳳天邊渡白狼周書傳肅慎漢地絕遼陽大道

紫芝軒題稿

六

知無偶微軀諒不妨烽塵多瀕洞蓬梗會飄揚去自憐同
調來猶幸異方路令游子怯飯爲故人強掃徑除籬落傾
囊具酒漿青背欣把臂達旦笑聯牀偃仰聊蘇息馳驅又
斷腸茲行沉弱水何夕話吳園冠冕爭蟬翼詞章劣雁行
三秋曾倒屣二仲愧登堂兄弟皆名世詩篇盡擅場題箋
開畫館移席命紅妝宛轉垂珠箔留連窺洞房汎舟還曲
岸竝轡復迴塘碧水攜盈袖鮮菓載滿航倘非劇孟俠那
許次公狂詞舞空南國伶仃弔楚湘思君應側召嗟予更
投荒藉草愁牽袂臨流泣舉觴征笳吹墊磧前旆促危岡
木脫烏巢覆山深兔穴藏明朝白雲路慘絕此相望

同楊生沙嶺泛舟至東都芙蓉碧蘆間錯交映自朝
至暝莫測其源蓋已四十里不絕也然尤憶耶溪

鏡水間矣率成十二韻

芙蓉間碧蘆煙水沒菰蒲越客同舟去分明似鏡湖石花
留舞蝶荷葉動飛鳬雲物看縹緲樓臺定有無微風搖畫
閣暖日上紅鋪歌吹憐人遠谿山問客孤地雖鄉國好典
豈異方殊不惜遲蘭橈猶堪傾玉壺夕陽流廢苑曉景落
平蕪欲下楊生汨難窮阮子途洲前應白鷺柳底怨棲烏
更進鮫人室還當拾夜珠

阿雞林

疊嶂迎天起松蘿亘地深濕雲晴更捲晝日午還陰虎峪
緣藤上羊腸撥草尋飛流遙掛雪落葉暗飄金樹樹款啼
鳥枝枝泣好音何煩橫笛吹眞和斷腸吟衣冷疑穿絮刀
寒欲脫鐔僕夫疲覓食車馬倦投林白髮千尋得丹心一

紫芝軒題稿

七

寸沉垂堂知有誠果自怯登臨
陶十七錫省中未回五韻促之并索荔枝
掛席煙波遠遙風天際來願吹江漲落好待客船回白露
微微下紅葉皎皎開虛蓬池上月孤酌水中杯原有荔枝
約何煩驛騎催

飲吳二處士

亭館鏡湖上開門落照邊水光浮上下過客屢洞沿重甍
東山隱能開西閣筵勾欄花似雪合座酒如泉移席同盧
女堪憐拂素絃新聲迴墮月哀響半雲天曲罷惜分袂南
洲正杳然

十四夜喜一公渡江同客湖樓

連宵望月華華落如流霰拾之在澄湖流波接銀漢烏鵲

飛已遙明星光欲轉縹緲仙臺人願余情所眷物理貴有
常遙期應在遠如何連理交忽被風吹斷風吹自東西浮
雲各聚散君來尚迢迢焉能不長嘆迢迢碧海東海水清
可見蓬君猶未還波月仍如練素影亂高樓薄寒上井輪
坐久振衣裳頻催玉壺情

客錢唐三公邀上湖樓

南風渡江水五月吹輕帆鄉路隔浮雲鄉山捲翠嵐歸心
一杳渺離衷不能道繫纜明湖邊愁見芳堤草芳草日悠
悠湖波不解愁支公能爲我邀上湖東樓消夏琅玕簾傾
紫碧玉甌畫檻挂垂楊倒影金波流白日雖然下新月還
如鉤欲去不得去獨往增旅憂驚鷺自成雙飛斷碧沙頭
不如同白鷺竝宿荷花洲

寄朱子彝

紫芝軒逸稿

八

日下江色寒雲山遠明誠高典凭層閣對景自怡悅攬襟
怡悅閒忽焉愁如結言念美人居隔此煙波闊煙波亦云
遙相思差可越蕭蕭孤鴻飛蕭蕭寒風發鴻飛自往還風
來無斷絕倘能掛雲帆乘此江上月

奉和雪寶願五兄藏書樓

時兄專攻碑
韻精辨文

沈沈海棠樓光連晴波空吾兄翻經處坐受南窗風直上
援秋蘿爲待伯陽翁開樽對芙蓉望見香鑪峯蕭蕭天籟
寂忽與禪心通妙談支公理欲訪煙霞蹤猿啼日將夕
喚色起長松何時攜手去遙聽雲門鐘

作

雪寶僧子彝泛瓜渚湖余以事阻不得同遊遙和其

日夕望西山秋風吹未了不入瓜渚湖安見西山好魏生
恣幽尋開帆指白鳥扣舷揚清吟攜琴有同調寒雲迷荻
花未肯卽回棹神女弄珠遊解佩雲霓霓之如可得爲
寄剡谿釣

獨遊

笑蟻阮郎嚴言勝亭蘿山泉泝幽篁下響出亂石間一谿
轉一曲啼鳥亦自閒長憶避秦人柴門迴不關雲深楓樹
林浩歌與未聞日暝天華寺遙尋鐘磬還

南樓雨中望鑑湖

我是披裘翁日涉煙湖森芳洲久不開湖光何處好魚躍
風落潭鳥沒寒蘿島青峯嵐氣橫秋風吹嫋嫋紛紛此逸游
興無由窮幽討幸有最高樓可以恣遠眺一舟前浦來獨

紫芝軒逸稿

九

向孤雲杳浩歌未肯回雙樽空自倒

臥龍山訪道士徐真誠不遇

龍山背西郭何異在雲林雁飛值秋節我來發長吟陟頂
造幽居忽然恰素心應門有童子入徑唯鳴禽聞鐘叩寶
榻落花遶砌陰雖復艱清觀已定滌煩襟青天舞黃鶴石
壁懸古琴婆娑弄桂枝坐久待知音壺中天地小一望諸
峯沉惆悵歸途晚蒼蒼蘿月深

泛舟鑑湖寄吳江顧茂倫

洞庭連虹橋千里結遐想美人弄流波何處臥雲舫鏡湖
散新霽急流發雙槳白鳥隨人飛驚沒煙如掌迴棹指上
方梵聲合幽響嵐翠紛霜林金樽勞獨賞歸來尚遲遲海
月復東上

經七里湖

三湘久疏闊五湖復何處未見七里湖逸興無由舉雞鳴曉路青所逢桃花女指我石上行沿流不肯住忽聞灘聲寒新過幽澗雨欲追康樂游況識嚴陵趣桐廬渺難尋孤雲杳然去回棹夕陽中鬱望蒼蒼樹

還舟耶溪宿慈雲精舍

楓樹度揚舫黃花听迢遞衆鳥歸西山明霞積遠翠樵唱越夕陽柴門紛蘼薜相望欲相尋沿洞無由至精藍起幽唄飯僧慈雲寺學景身暫開闢鐘心猶憩蘆中漁火微平原煙初開石門路未迷孤舟端可滯

望洞庭山寄錢允武

湖波生瀟瀟寒山搖空碧碧山不可留一帆風正疾落雁送流霞秋光薄華日迴憩沙明滅水落清潭石樹交徑未通歸雲去何極兩峯與屢期回首恨相失卻憶縹緲中孤抱餐霞術巖流桃花深雞犬天外寂採藥何處還曾念未歸客

紫芝軒逸稿

十

聽商雨臣彈琴

寒雨出爐峯雲山互蒼幽客懷山水琴琴在夕陽桂花落綺席繞砌靜聞香所思何遠近曲清寒瀟湘美人凌瑤波愁望正渺茫倚竹拂衫袖不覺滿煙霜

送魏大兄雪寶歸苕溪

芳桂落欲盡茱萸復滿汀西風吹不歇因之送客行昨日坐南樓雙燭照晚晴舉頭見秦山尊中月盈盈片帆可暫留流水曾未停微霜上橫橋鄉樹望裡青應能憶歸夢何

事傷別情遙思在寒渡宿處搖江聲

舟行

心飛在岳陽帆影落荆門昨夜宿寒浦綠嶂滿湖痕明星隱孤驛樹杪見朝曦數指曉山青遙遙到遠邨汀花明窈窕浴鳥孤飛翻雲物日千里何處思故園羣鳥噪來晚爭歸古渡喧幸未入三峽不用愁啼猿

代五兄戲酬故人索酒

樓月吐新霽更深照酒杯清尊索已盡明月爲誰來夜半高齋裏欣聲逐雁回

大烏程縣

雁飛何淒淒淒淒遊子行寒波起吳江落日在烏程火微孤驛暗霜下河橋明欲飲他鄉酒難爲故鄉情

紫芝軒逸稿

十一

壬寅雜詩三首

悲風吹衡路飄飄浮塵吹散復陰陰慘悽行路人行人何遇側寂絕少聲息傍皇走東西所悲故與戚親故尚傍皇妻子流四方昔別吳東門會嗟別離長杳杳即永路乃不在我傍念此結中心淚下不成行便當自慷慨勉爲進酒漿吞聲未及飲白日黯無光狗吠高城上雞飛向天翔客子返入門各各轉哀腸

陰陰江上風冷冷江上雪風雪斷香闌淒雲掩城關東上莫迷離孤猿聲正悲西上日欲仄哀雁傍人啼金石非久常恩情會有移達人已知命即路還如歸杳渺秦山路誰見此徘徊徘徊豈獨親傷悲溢路岐風起高城外吹落枯楊枝摩娑一垂泪其下忽成蹊况復西陵樹松栢時相遲

庶有同歸願諒無白首期

置酒北郭門親故別河干吐言未成音垂淚但相看停尊
思不飲重嗟酒欲寒一觴還再勸懷絕傷心肝呼彼泉下
客誰與勉加餐黃泉豈無人諒不交新歡獨行愁黯黯
霧蔽重關風吹昏霧散忽成淒雨還冥冥川上路蕭蕭松
柏間免走東西下烏飛左右盤長嘆謝親故生別何悲酸

入都八首

春風別河柳春令飛高原悵悵親故情各欲致一言他人
不得聞良獨慘予魂馬嘶嘶白日路塵起車輪諒無須與
歡虛煩雙酒尊蓮花飄有期庶不掩蓬根花去東西落根
離故難存

積懷轉中夜殊多嬌婉私清琴頗難悉素瑟或可希一旦

紫芝軒逸稿

三

別河梁欲憶忘片辭執手思暫杼行李更前遲踟躕此衷
腸雙淚詎堪垂倉卒遵往路芳心重致疑豈君有他意故
不悲別離合情今不吐長途欲訴誰

故人斗酒會邀客吳市東酒酣氣忽哀憐予遠從戎遠行
當何怨區區本轉蓬鶴雀摩霄雲孤狸升四墻咸陽盛車
馬京洛多王公厭厭盡良時素蟻穴苔封便當馳馬去何
悲關塞風老成意氣衰念茲淚難窮少年心感激拔劍贈
囊中劍呈飛鳳彩囊繡錦盤搖搖五雲景灼灼雙夫容
秦女懷簫史乘鸞登吹臺合笙弄丹唇三聲舞月迴縹緲
吳閨裏亦見求凰子解佩悅流波宛轉媚江汜翡翠起芳
洲鴛鴦豔秋水巧笑和揚眉微招呈素齒令色希衆情古
道難終始行將駕遙風去當極萬里

湖水豬澄清菰蒲披四岫風湧似蓬池汎汎阻雲漢因懷
涼水吟御起洪波嘆游鱗沒浮空去鳥飛晨輪流景恍素
心舊廬與吾願芳泌接衡門滄浪隨時變漁父嗜同舟庶
幾忘憂患如何此乘桴忽令嗟歲晏

征夫視晨星落落搖先采僕馬悲何之願豈浮東海平生
若浮雲時命適相迫吁嗟此歲時寒暑更互改薄寒吹曉
風草露溽清霽勉強就登車羈帶發深悔元髮堪成絲素
髮將何待

平川四望開阿閣三重出凝霜紛欲流華星皎可摘白雲
信遙遙青天何歷歷今擬汎桂迴豈是明河側明河若與
攀流景知堪拾如何玉窗前獨令綺疏隔素女弄盈盈徘徊下機織一水企經年微微聞嘆息

紫芝軒逸稿

三

願言叩九關晨風清天路恍忽感前游變遷亦旦暮我昔
種芳桃雙株夾桂樹桂樹惟其根桃種復三度麻姑好容
顏垂髮已成素酒脯舊何親今乃不相顧旋當下桑田洪
波忽難渡矯首一逡巡還觸關者怒徘徊此兩岐含情竟
焉訴弱水在東南庶幾逢我故

都中三首

叢木棲衆禽淵渚止潛魚物隨造化止寧當擇我居區區
俯仰間何異雲壤俱寒風良慘膚墮日堪負隅未世擅紛
營上古笑其愚王良不攬轡窮荒樂所驅庶幾管生志羞
慚鄰子書

斧片出美材良煅成利器慘刻嘗在膚乃可爲世濟君子
任遠圖固當勞心志小人本無營何庸受淬礪涼露今始

流薄寒昨已至物運知所來悠然與神會執火苟懷冰遇
茶還思壽衆類誠萬岐曠觀良不異

愚者忘憂患志士勉慨慷下流既難處感激令神傷願言
慕清曠謠懷或渺茫敘照一悠然理變即物常松柏故青
葱芝蘭自有芳諒不媚桃李亦豈凌雪霜但當存我故於
世良庶方

出都十一首

瓜根抱瓜蔓根傷蔓亦稀連綿更鉤帶誓願不相離哺兒
不得乳何去覓餽糜嚴風十月交慎勿慘兒肌願欲置懷
中身苦無複衣瓦石不兩完焉得長相隨馬驕行蹀躞雙
輪轉欲推舉手撫兒頭時命良不齊生年不見父今復離
母懷昔爲名家母今爲邊戍妻獨身行萬里不知所從誰

紫芝軒選稿

古

高山何鬼鬼流水何瀾瀾兒年十五餘便可到邊陲名家
在東南檜柏蔭門相父兄著姓名欲語羞言辭何用問父
姓慎憶母容儀小兒識母聲但能抱頭啼青天日皦皦白
日流光輝樂者但極樂悲者用自悲隱忍嚙兒臂骨肉我
所遺解衣贖肌膚十載可爲期關門高以遙路傍松柏枝
行人路傍去當可拾兒歸小兒頗無過此事君當知年歲
頗長大便須遣之來水行防舟楫陸行惜馬蹄勿令犯霜
露重使母心淒男兒多校計婦女拙所爲親子尚相棄何
況受恩施慘慘天地變陰陰道路迷免走何撲朔烏鵲盤
空飛

驅車冀城門羊腸轡九盤勸君勿登車下當鄰黃泉嗟此
呻吟者親見棄草間何能知姓名亦復少歲年含淚但直

視轉手似欲言雙輪腹上過忽焉裂心肝願瞻北邙山松
柏互參天風吹蕭蕭景霜流蕭蕭寒彼與螻蟻伍爾獨視
烏鵲朝餐復夕息何用多愁嘆

朔風吹馬耳霏雪暗平原傷哉出塞子劇於遠從軍丘陵
蔽雨雪四面野燒焚婦女棲草間懷懷結衣裙更復懷中
兒啾啾慘鬼魂男兒作餽糜手指凍欲皺笑冰吹焚火持
哺何殷勤飄零感親故況此骨肉恩烏飛戀舊巢馬嘶悲
離羣孤雁鳴嗷嗷夜中誰忍聞

夕宿何轉仄晨當發高關羽旆蔽重門虎豹踴雙轡鬱鬱
九折坂鬼鬼太行山攬衣昔曾去徬往不爲難北風忽過
耳蕭蕭衣上寒因愁風雪中別可慘容顏馬行一徘徊黃
鵠起盤桓盤桓不敢下寧啄青海灣豈無遠遊思增繳爲

紫芝軒選稿

五

其間一墮脣霄外形神恐不完
隴水東西流續續聽復斷隴上多浮雲巖石連天棧車輪
轉不數馬足行何緩攬轡如生愁關城望欲遠況復枯林
中風寒知日晚倦鳥不選枝饑人不擇飯良推游子心何
能叱馭返

夕雨欲平川泉流未歸壑空林初復巢去鳥棲安托夙志
悅蓬蒿諒不厭藜藿禍患至無因返躬願免作素餐或可
羞肉食詎敢博枳棘不棲禽祗恐毛羽落駸馬飾珠鬚良
劍寶金錯美外豈貝金禦身非狐貉吳光慕賢名專卿重
一諾游子在深慎當凍履薄

金盤脍飛魚玉壺酌瓊醴素女弄纖纖青童啟貝齒瑟轉
曲未終珠鶴翩翻起惜別丁令威來下遶東市憶昔藝壺

中芳桃兼玉李三摘葉已稀塵滿桑乾水城郭不可居還
嘯碧雲裏嗟予今何爲臨風獨倚徒

寒蟬尚鳴秋冰蟲不知夏時隨瞬目遷物同指掌化覽彼
松柏芳何異桃李謝況此盛衰期毋煩心悲說空林落日
微悠然返景下君子御物情如風不可駕茲理豈難尋庶
幾觀旦夜

琵琶調夜中宛轉何傾仄酒不醉人爲歡豈今夕鴻雁
起驚飛欲南反更北一身辭漢關何當戀舊國春風難再
來年年草空碧

流雲下寒岑陰陰今日晚驅車豈云遲嗟此時暑短征人
慘容顏前旂悲急管烽火起塵中遙遙若星散夕宿旣無
所安得夜中飯秋蟲吟路傍唧唧同悲惋更復念鄉關迴

紫芝軒逸稿

六

驂望正遠遙聞起相思空衾知不煖倚懷益苦辛當復肝
腸斷

路逢驛騎來遺我尺素書淒然一再讀慰藉良無餘念此
孤狸鄉翻爲仁智居使來三日間微廬已先除明路起車
塵便與集城隅雖乏春城酒頗有寒江魚遙當望顏色慎
勿長嗟吁茲情一感余欲去反踟躕風雪慘形容何以慰
區區憔悴在肌膚素心或不殊故人重心知諒可促前驅

戊所

攜酒古臺上一悲節候更荒途知厭日感此野人情茱萸
不解佩叢菊頗流馨聊與習味嚼擊缶或可聽鴻雁起沙
中南向而哀鳴物土重所戀憂歡豈有經盈觴不勞勸一
壺還獨傾御身八紘內俱足完吾生

復還

兵車夾路傍傳呼何促迫長安下羽書云當遣軍籍牛馬
集前途餽糧備今日婦女盡隨行不得少休息燕棲莫營
巢雀飛莫銜粟巢成燕不歸粟陳雀不食昔來花離枝今
去葉飄陌花葉本無根誰能不悽惻山東多健兒意氣頗
自得左右佩兩韃飛馳過我側平居志功名射虎常沒石
一旦得從征王侯可俯拾麻俘見天子輝光良赫奕出都
賜金章還當耀鄉邑男兒但墮地聊須事金革詩書負虛
名征途空戚戚

遷所十五首

紫芝軒逸稿

七

遇流感憔悴卜居擬江濱閭里遙相識雞犬若堪鄰房櫳
隱樹間豈是避秦人居人多古服味嚙更可親持尊迎道
旁酒果還重陳山花開野甸飛來常覆茵倦途少偃仰已
足返吾真況復營茅屋聊可謝風塵

結宇事南畝晨散歌行樂受此柴桑鄰歡攜下屯約倚杖
一悠然曠觀何寥廓長雨隨風來四野懷新澤偃仰悅吾
廬庶幾可早獲弱妾能持春作糜頗如酪粥酒釀山花聊
亦忘其濁一尊傾籬間沙中已邀酌茲豈隆中居翻有躬
耕樂

木葉下微風流火方西奄嗟今誰授衣寒華乃欲飲客子
豈無吟節候頗生感遣興在停臯江雲同冉冉柴門閉未
遲倚杖行還漸林木遙可分波月照初淡沙鳥若依人飛
飛過葭莢素心與物懷悠然雨不掩茲理寓義皇非予疇
能覽

執刈下造坂嶠隴載秋金驅馳云未勞西日乃早沈返景
過歸途里巷忽遙深穉子識牛與簪火還相尋室內交欣
望歲儲喜足任晨當祖田峻濁酒聊復斟茲世想幽風何
由徵至今俯仰求天字庶此足披襟曠焉晒古哲一嘯流
清音已遂南陽樂猶煩梁甫吟

寒鴻起玉關珠露流今夕梧桐下北牀楊柳飛南陌南陌
望征人盈盈愁佇立風微莫動帷帷捲羅裳濕

寒冰結馬尾曉雪摧車輪客來風雪中嘆息遠還聞淒淒
迎道左或恐故鄉人形容殊未識聲辭知可親云家城西
里閭巷曾相鄰君爲名家子我昔薄宦身一朝同禍患悉
事頗能真聞之腸百轉鬱結愴心神北堂冬白髮欲問遊
口唇少婦處深閨形影不出門同生苦奔走昨歲離梁陳

紫芝軒過稿

二

餘此一身外致詢茫無倫田園絕人蹟當已長荆榛迎門
雙槍樹定復生鬼燐鄉城信渺渺關山蕩白雲雲山兩難
卽且當慰風塵衣底取雙瓢難前探酒尊一尊緩腸腑重
須問苦辛

敝日懸扶桑榮輝遍九垓冥冥處幽谷嗟獨此沈埋天日
終吝照中情豈克諧連枝植深何所願堅根蒼蒼令戲交
飛何圖羽翼乖

分飛固其常飄零此何極春風傷別情憶在河梁側執手
攀柳條楊花墮阡陌揮淚灑歧塵雙袖餘痕迹執掌望蜀
歸孤行悲日夕

一夕復一朝流光迫暮時涼露霑野草淒風裂單衣僕夫
交怨謫奈何常苦饑歇馬竹高岡雲樹嗟迷離孤鳥樹旁

去何敢東南飛

行行極所之關城與我遠棲息感鷓鴣一枝悲未穩流沙
極東邊歲暮復還轉流離不計程寒暑忽三返同侶苦風
霜黃泉下爲伴嗟予強食息猶能夜中飯

強飯亦何爲豈圖壽金石吐氣經中天誰知我心惻踽踽
步前林磨麋過其側東西去旁皇子棲母銜食子食無朝
餐母寢不遑息倘懷茲物情孰能免悽戚

戚戚非一時私心還自慰甘旨豈外求蘋蘩善中饋猶幸
少遺孤重爲伯嫂累所悲在盛年羅幌掩雙淚頗復處嫌
疑母能問憔悴

輾轉轉中腸此情難具陳平居事微纓良懷古聖倫頗亦
守明哲豈敢慕成仁返躬猶三省憂患豈無因一身良可

紫芝軒過稿

二

已重傷形影親

形影悲同生尺書勤手澤寤寐宛愁顏鬢髮知早白鬱結
感衷情流淚重沾臆弱雅盈室中盛衰視聲息寧無丈夫
懷乃爲兒女泣

涕泣傷心神壽命安可遲諒少煉液方駐此頽暮時庶惟
保心志朝夕慰期頤歲運倘終返豈無比翼期塞鴻起期
漠經時尚南歸感彼永離別毋寧長相思

贈陶燕公

灼灼芙蓉花搖漾鑑水渥芳容一朝起不似南風吹畫閣
尚書省珠帷向晚披開軒酌美酒相憐年少時憐余重意
氣驅馬出邊陲萬里不堪返五載情何依江上多春草陰
雲滿路歧他鄉暫把手終勝長相思素琴激青絃繁聲當

楚辭莫待後時樂重此憶前期

春杪酬陶十七甥登南山溪尾亭 客尤溪

東風吹柳花河橋暗飛客子蕩歸情鬢髮隨時變思至
豈難排萬目終何顧既差遷谷鶯猶慚巢林燕翠翼比輕
蟬翻林忽穿澗絕嫩滿流華因之假飛輪危閣暢遠吟誰
當愁極盼丹日纔平林繡嵐暖芳甸樹末皎澄暉天際知
鄉縣

王宰席中酬十七甥素未惜別之作

銀燈照畫屏素女豔光輝雙尊轉玉河華星低曙雞主人
好留客既醉且忘歸低絃方促柱何煩前致辭繁音忽狀
寂四座有餘悲相逢會百年昏旦互參差夢寐或難通已
無百歲期海水揚天風流波倏東西矯首望三山寄言丁

紫芝軒選稿

令威當令華表上空見彩雲飛

贈陶燕公 時丁未四月

獨雁唳遙風區區愁絕域往返豈憚煩歲時會相迫關門
柳欲黃邊城榆早白江南草自青馬蹄長不惜飄零孰予
悲悲去情安極感君鬢髮疏當知余心惻執手繁絲纏淚
下但沾臆欲言緒還多何由憑噉昔祇須吟舊章易水歌
燕客三嘆轉無言深燈黯黯顏色

送友人歸渡錢塘

愁絕遠行客卽杯一送行山月忽來照秦峯皎皎明層樓
百尺過雁聲西冷橋下江波平金燈吹笛錢王館銀壺滴
水富易城歸路鄉心百千轉相接雲山時在眼稚子歡迎
薄暮時衙門花落寒風遠高臥何由渡三春忍看梅柳五

湖濱若論他日相思客先數浣紗谿上人

送張公投之漢陽

○○○○○○楊花撲地東風吹行如轉蓬何所適當
復歡呼年少時白雲古道飛座中秦山月明星隨屋梁絲
絃慘亦絕今日斗酒會醉客青春好明日歧路塵悵悵漢
陽道漢陽三月信鶯花數舊遊昔有滄浪意直登千里舟
赤岸潮初滿平沙猿夜愁夢中不知返吹笛清江流居行
應識相思地願上洲邊黃鶴樓

遙送吳漢槎

相傳才子謫龍沙北關關門飛落花絲竹滿堂誰惜別南
雲鳴咽度悲笳去日相思不知返落日天涯忽以遠苦憶
臨歧江海遙轉惜論交歲時晚當時曾折柳條青吳江水

紫芝軒選稿

滿風冷冷春深迴馬曲塘裡夜殘秉燭草元亭歸去山陰
道上行捲簾白月湖波橫愁看織女漸西度一雁孤飛元

菟城

題贈季吏部寓庸園亭

朝策白鼻騮搖鞭追流電去去隋皇宮暮及海陵縣海陵
百里春花明路暗莎堤春草生穿花逐柳轉不盡來入謝
傳林泉行丈人季夫子樓臺碧霄裡迴紫幾曲朱闌干鼓
樂宛從青天起喚動紅妝雙翠娥纖纖奉客金巨羅筵前
有酒白日墜曲成一顧江水波江波窮冥深莫測明珠吐
出驪龍宅丹樹含光盤錦雲黃鳥飛來啄玉粒丈人高臥
能幾時長髯短髮如銀絲寶鼎煉藥火九轉蓬瀛咫尺通
天梯手把金經招我去雲中遙駕雙龍飛從今欲鼓滄江

柁桃花流水未應迷

文選樓送別姜十七廷梧之兗州寄懷張五杉

高樓百尺柳陰涼
飄落樽前白絮香
酒醒忽道兗州去
駿馬嘶嘶悲故鄉
白雲搖曳鄉山遠
鳥飛更覺碧天長
泰嶽巖峩皎冰雪
津吏渡頭風濤闊
遙倚闌干一望君
朝見青山暮還沒
萬里煙波去勿陳
荷花愁殺江南春
花邊石上歸灑掃
月明獨對浣紗人

青春行贈女弟荳

綠滿濠洲草欲生
香滿芳堤花欲明
花發間關鳥雙鳴
來傍玉樓春風情
玉樓闌干各宛轉
面面風搖珠簾輕
深閨小妹動盈盈
盤中題詩早得名
初見落梅能弄笛
還宜新月照彈箏
彈得瑤池彩雲曲
吹入金枝楊柳青
柳絮飛來

紫芝軒逸稿

三

忽飛去東家西家歸何處
閒屏獨倚翠蛾嚬
愁絕春光春不住
春光點點逐春江
春水悠悠渡夕陽
空留匣琴千種恨
空留錦字三載香
匣琴錦字無消息
故將天壤怨王郎

飲王侍御牡丹花下歌兼贈秀才穀韓

御史園中白玉堂
堂前錦樹三兩行
金井銀牀拂豔陽
黃鸝百舌啼春光
君家公子粉面郎
少年欲折天衢香
早聞著賦壓司馬
還能結客比鄭莊
我至曾留花下住
花底奉我雙鍾長
銅盤燒燭照綺席
美人彈箏出洞房
洞房宛轉箏聲促
斜掩珠簾聽不足
我向美人飛百觴
汝爲春風歌一曲
去去春風不復來
闌干幾度見花開
花落花開都莫計
好整金鞍醉卽回

上李侍御模

憶昔鮑宣騎驄行
紅塵不起天衢平
朝謁承明露華重
暮歸青瑣爐煙輕
白筆奏書天顏動
多頭生風臺閣清
我家嚴君寡交好
曾與侍御托死生
飛龍殿前血灑地
折檻朱雲竝有名
天關沈沈聞者怒
泣向皇穹總何補
夫子拂衣歸五湖
秋風湖上饌鱸魚
家君亦鼓滄江棹
手植梧桐老故廬
東山時留太傅屐
曲巷長懸光祿車
一從盜渡淖沱水
青絲白馬戰塵裏
日落長安烽火明
月照邊關笳吹起
屈原長沈汨羅流
梅尉復甯吳門市
吳門市中年復年
夫子鬢髮兩蕭然
龍女天花供繡佛
楞伽一卷證金仙
雲中飛落千葉座
池上常開九莖蓮
蓮願隨天子錫
杖去肯使焚香高座前

再至蓮華山留別涵光法師

紫芝軒逸稿

三

支公講臺兩法花
寶殿層樓舉高倣
星河倒掛窓牖間
仙人玉露浮金掌
林中梵鳥名頻仰
杳然一啼發幽想
縹緲雲外傳鐘聲
蒼崖抱合應清響
巖前高樹與天連
冷泠積雪寒流泉
我來探樹破煙霧
天地峭壁散青蓮
青蓮之頂小塵寰
洞庭五湖襟袖間
早聞涵公證妙解
手揮塵尾渾瀟灑
攜手白雲幾度來
方丈曇花長相待
方丈森沈五月寒
白雲出岫何時還
明月峯頭時送客
風流不數永和年

雜擬五首 餘失

置我青銅鏡還君白玉釵
玉釵插鬢亂難理
青銅照影傷容懷
東家露井桃一株
方五尺盈盈二八餘
比肩桃下立傾動
城南游冶兒
嬌殺桃花少顏色
額鈿初點翠裙纈
更施紅猶妬芙蓉掩
秋日何況桃李搖春風
留未

得不妨吹去入雲中去後恒難夜中寢且當留下相思枕

同楊生聽琵琶女侑酒帳中女故客維揚與楊頗舊

層蘇帳中留醉客紅爐炙火霜初白好聽絃上奏琵琶莫
向風前吹簫栗琵琶欲轉夜鴻驚絃撥涼州指再停絃愁
青海今宵月指憶紅樓舊日情紅樓承寵人爭羨千金每
買華堂宴五夜明珠照不歸七香寶轎邀會見會借春城
春盡長啼鶯飛燕斷人腸葡萄北苑初裁錦翡翠南洲就
點妝妝罷還曾催上馬經過更出章臺下帳底流蘇笑暗
窺枕上珊瑚欣獨把自信容光不讓人可憐意氣劇相親
天桃猶暖城邊日青草空同家上春春日秋風當此夕羞
將玉面逢人出千古繁華妾已忘一時歌吹君能憶曲罷
星疏鹵酒寒明朝馬上引人看已令胡女無顏色何須更

尋燕支山

黃芝軒逸稿

三

別王子出都有寄

白柳門前烏半棲素琴堂中絃更低主人奉酒客當醉淒
絕關山絕塞西客子沈吟起此夕秋風颯颯同蕭瑟留飲
今朝不劇歡垂鞭明日還相憶一度關門落葉秋空憐少
日共遨遊三十風光那可再尋常花鳥總含愁霜薄飛鴻
還北向雪殘隴水盡東流長愁鐵騎寒金柝忍倚雕鞍望
畫樓畫樓秋迴螢飛入空塔寂莫羅裙濕五夜砧聲催下
堂三更河漢初橫陌愁窺碧月轉銅壺更傍寒風橫玉尺
復捲珠帷一倚闌遙天祗見鳥飛還未信征人流極塞猶
疑狂客滯長安長安昨信春歸早朝朝塵陌飛花繞馬足
何妨度落花征衣豈惜繁芳草芳草年年塞上風何時更

出長安道

寄陶十七舅

信陵門下三千客堂中少年最感激朱門一旦摧成塵思
欲報君安可得古人知已重知心結客何用多黃金金盡
空過五陵下笑殺當年輕薄者一從任俠事遨遊不道寒
霜積敝裘昂藏豈屑小兒輩歸去還爲妻子羞何似輕身
不顧家橫行一騎捲胡沙腰間鹿盧含雪色直倚天山噴
六花

寒門憶別之作

上馬莫折楊柳枝出門莫謂楊柳辭楊柳塞門苦無葉望
絕江南二月時二月春風還未暮飛花日日盈歧路可憐
今日望春邊更是當時愁別處江南江水去悠悠寂莫何

黃芝軒逸稿

重

曾上畫樓忍向朱闌橫吹笛羞將錦袖倚筵篴但令塵網
繁珠鎖不遣春風蕩玉鉤春風昔日今還在容髮前時那
可逮已無歸信落花中猶聞別路垂楊外銀壺提酒孰爲
傾素瑟彈絃安得聲豈少春光留日夕祗憐花柳劇關城
城邊柳花忽如雪行見征人腸斷絕

時孝子尋親詩

七月塞垣霜早落空山木脫行人稀日夕牛羊下來久一
騎還從山下飛入里重看愁攬轡問巷東西何所歸啟戶
出門聊問訊忽復縱橫淚滿衣行路何因多嘆息徒使旁
觀口唧唧歸來邀客具盤餐牽馬入門飽槽枥瑟瑟秋風
酒欲殘起視天河星斗寒沈沈燈火初照戶嗷嗷鳴雞飛
上闌重煖清尊催客飲君今須語莫愁嘆爲道何時離絕

寒答言昨歲下長安長安去家復千里家在舊川臨濟水
門前柏樹未蕭疏華表雙龍盤柱史朱門終夕夜烏啼華
表千春白鶴起豈道門庭羅網羅致令堂戶生荆杞門戶
蕭條何足云北堂愁嘆更愁聞掩帷寂寂空明月泣望遙
遙祇白雲憐兒墮地甫五歲惟能含淚繞衣裙今年十六
頗長大問母何事愁紛紛母怨生男可勿舉但認母懷不
識父雙株黃柏臨水邊日夜湯湯自流苦憶昔遼東點戍
夫鎖縛征人壓出戶離愁十載絕人知抱恨千年那用汝
不望生身入塞門亦令骸骨歸鄉土兒聞母言腸斷絕便
當辭母走京闕豈惟飛雁極關山願似飄風遍秦越京都
消息已無疑關塞蒼茫猶蹀躞父今何在尚能知早令孤
兒團會合生雖未識父容顏懷中幸有母書札書探懷中

共芝軒選稿

三

燈下看吳綾三尺素如雪細細蠅頭飛落塵點點流痕皆
積血讀罷還令心轉摧余亦因之雙淚垂未若君親離家
早猶惜君身出塞遲今日江風日中起白波森森浸旌旗
大編小舸爭下瀨輕帆急檣亂流漸君父從征亦在數適
向沙邊悲別離烏龍江頭水欲合戰散還應春草萋秋日
春風非一日絕域風霜未可期君去經年當再返會遇從
來各有時獨恨中天爭寸晷苦今終歲隔容儀呼嗟蒼穹
安可托客子臨風雙淚落不惜驅馳經歲年聊數當時初
出邊邊地崎嶇惟積雪荒城古障盡寒煙豈有壺漿添旅
食長抱孤軀伴夜眠狐狸結尾聽冰渡虎豹呼風攫鹿還
路行頗極流離苦不信但看馬蹄穿今朝薄命復如此何
如下去從黃泉豈惜一身爲父死歸去何辭慰母顏君今

毋用苦促迫男兒在世多計畫君去愁難慰倚閭慎莫親
前吐臂應但道相逢已此時莫道還須隔時日君心幸與
余同心早晚與居頗能識君歸倚問體康強但道髭髯略
已蒼江塞安居別無苦祇苦風高早雨霜寒衣猶著舊時
服胡女粗能縫布裳別去喜今消息在寄衣須早莫相忘
北關猶問身長短道與兒身同校量今歲令兒暫往返明
年當可伴還鄉君母聞言當自慰何須此夕徒悲傷但令
天涯會合好豈惜奔馳歲月長客聞此言心撲簌歎欣有
餘恐不足未曾牀內檢行裝先起槽頭視鴛鴦人去何辭
程路多馬飽當能來往數雙松交結太山隅青松故自同
根株檜柏強來相榮抱自令顏色異榮枯擊鼓江頭初會
客鳥飛旁皇獸不息垂淚行行感路人孤子偏能抱父泣

紫芝軒選稿

三

江沈河漢暮潮清天洗流霜孤月白父子深情語夜中旁
人欲道安能悉

中秋元喇江聽下生吹笛并憶吳閶今夕之盛

江流浸月江波白戌客臨江夜吹笛愁聲吹散月華中纖
女樓邊聞嘆息仰視明河思渺茫流華今夕滿吳閶重重
翠閣開金鎖處處紅樓映粉妝霜薄簾鈎催捲慢風微綺
疏各焚香復有侯門攜寵宴香車錦帳尋常見楊柳猶榮
公子衣芙蓉爭出美人面公子尋芳若處情美人歌月轉
新聲玉簫珠管聲初散石上清音恆夜半倚瑟毋勞銀甲
彈轉喉獨令紅牙按調度雲中過不流人來月裏聽微羨
月照城頭鎮日閑石邊歌吹幾時還謂吹今應還故苑月
華空與度邊關此情此夜惟君識覓愛一曲親留得按指